

POËTÆ fingunt Geryonem Hispaniæ regem tricorporem extitisse, qui boves purpurei coloris habuerit, quibus canis caput duorum & Draco septem, ut excubitores præfecti erant: Ipse autē Geryon Chrysaoris ex sanguine Medusæ nati filius, & Draco Typhonis & Echidnæ, traditur: Quæ cùm nulli historiæ aut rei, prout sonat, veritati convenient, & in omnib. Chymicis allegoriis applaudant, non immeritò hisce à nobis aggregata sunt: Per Geryonis verò terna corpora, tres facies in uno patre visas, juxta Hermetis mentē, intelligimus, vel, ut alii volunt, quatuor, ad elementa totidem respi- cientes: Ex quadrangulo n. debet fieri triangulus, ut ille ex circulo factus, sic hic in circulum reversurus: Est autem corporum Geryonis, aut elementorum tanta consanguinitas & naturalis conjunctio, ut uno superato vel occiso & reliqua ex se se concidant & putrefiant absq; ulla vi manuali adhibita. Debicorporib. notum est, quod uno mortuo & alter tabescat: quemadmodum puerum 4. annorum ætatis in Italia vidimus bicorporem, qui fratri sibi adhærentis caput intra suum corpus abscondebat, cætera propendebant umbilico- tenus, in quo colligati seu connati erant: Quod si ille, qui propendebat, & quia longè minor, gestabatur ab alio, durius circa manus aut pedes tangeretur, hinc major dolorem sensit, imò & famem, si minore exinanitus cibo foret: Atq; hæc est naturæ combinatio & sympathia, quâ membra & partes unius corporis vel cum alio connati afficiuntur, & in se invicem commoventur; Ex quib. si unum sit sanū & illæsum non tamen in derelia necessariò sana aut illæsa manet, si verò læsum graviter, & reliqua compatiuntur, eodémq; malo per- eunt: Sic si vicinus multum lucri faciat, inde nihil commodi ad vicinum pervenit, at si incendium patiatur, plurimū mali: Nam tua res agitur paries cùm proximus ardet: Ex unius itaq; horum quatuor fratrum interitu, quod & alii tres moriantur, non est à veritate abso- num, cùm id variis modis contingere possit, vel quia uno partu & patre ac matre editi eosdem vitæ terminos, ut ipitia, experti sint, ut quibusdam contigisse legimus, fortè ex astrorum inclinatione, vel quia non solum animis, sed & corporis artub. cohærent, vel mentis conster-